



Стална делегација Парламентарне скупштине
БиХ у Парламентарној скупштини Организације
за европску безбједност и сарадњу

Stalna delegacija Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju /
Stalno izaslanstvo Parlamentarne skupštine
BiH u Parlamentarnoj skupštini Organizacije
za evropsku sigurnost i suradnju

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Organization for Security and Co-operation in Europe

Broj: 01,02,03,03/11-05-1-2798/18
Sarajevo: 20. 3. 2019.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO



PRIMLJENO. 29-03-2019			
Organizaciona jedinica	Klasifikaciona oznaka	Redni broj	Broj priloga

KOLEGIJU PREDSTAVNIČKOG DOMA PSBiH

KOLEGIJU DOMA NARODA PSBiH

KOLEGIJU SEKRETARIJATA PSBiH

ČLANOVIMA DELEGACIJE PSBiH u PSOSCE-a

KOMISIJI ZA VANJSKE POSLOVE PREDSTAVNIČKOG DOMA PSBiH

KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I
KOMUNIKACIJE DOMA NARODA PSBiH

SEKTORU ZA ODNOS E S JAVNOŠĆU PSBiH

IZVJEŠTAJ SA ZIMSKOG ZASJEDANJA PARLAMENTARNE SKUPŠTINE OSCE-a
Beč, 20. – 22. februar 2019. godine

U Beču je od 20. do 22. 2. 2019. održano 18. redovno zimsko zasjedanje Parlamentarne skupštine Organizacije za evropsku sigurnost i saradnju (PSOSCE), u čijem radu su učestvovali Borjana Krišto, predsjedavajuća Predstavničkog doma, i Bariša Čolak, predsjedavajući Doma naroda i član Delegacije PSBiH u PSOSCE-a, Dubravko Brdar, šef Kabineta predsjedavajuće Predstavničkog doma, i Dženana Leper, sekretar Delegacije.

Tokom dvodnevnog zasjedanja, 300 parlamentaraca iz 57 zemalja članica raspravljalo je o migracijama, terorizmu, rodnim pitanjima i borbi protiv korupcije kao najvažnijim sigurnosnim izazovima s kojima se svijet trenutno suočava.

Uoči zasjedanja održan je sastanak Grupe za podršku Putu svile PSOSCE-a prilikom čega je prezentiran novi projekat željezničkog povezivanja Azije i Evrope.

Tokom izlaganja i rasprave razmatrani su potencijalni željeznički pravci kao i ekonomske koristi ovakvog projekta zbog smanjenja vremena i troškova transporta.

Tokom prvog dana zasjedanja Parlamentarne skupštine OSCE-a učesnicima se obratio predsjednik Nacionalnog vijeća Austrije Wolfgang Sobotka, predsjednik PSOSCE-a George Tsereteli te predsjedavajući OSCE-a i ministar vanjskih poslova Slovačke Miroslav Lajčak.

Na sjednici se raspravljalo o sigurnosnim izazovima s kojima se susreću zemlje regije, sprečavanju potencijalnih konflikata, situaciji u Ukrajini, slobodi medija te jačanju međusobnog dijaloga i saradnje.

Tokom drugog dana zasjedanja razmatran je izvještaj Komiteta za migracije, kao i izvještaj Komiteta za borbu protiv terorizma.

Jedna od tema zasjedanja bilo je trenutno stanje i politička situacija u Bosni i Hercegovini, s posebnim naglaskom na izvještaj OSCE-a o nedavno održanim općim izborima u našoj zemlji.

Tri komiteta OSCE-a raspravljala su o pitanjima kao što su: ograničenje ljudskih prava, borba protiv korupcije, pranje novca, finansiranje terorizma te kako najbolje iskoristiti alate i mehanizme OSCE-a za rješavanje dugotrajnih sukoba. Izvjestioci sva tri komiteta predstavili su svoje ideje i namjere za izvještaje i nacрте rezolucije koji će biti pripremani za ovogodišnje godišnje zasjedanje u Luksemburgu od 4. do 8. jula.

Na marginama zasjedanja predsjedavajući PD i DNPSBiH Borjana Krišto i Bariša Čolak održali su bilateralni sastanak s delegacijom Republike Kazahstan, koju je predvodio predsjednik Parlamenta te zemlje Nurlan Nigmatulin.


Na sastanku je razmatrana mogućnost poboljšanja ekonomskih i parlamentarnih odnosa dvije države. Predsjedavajuća Krišto upoznala je sagovornike s trenutnim stanjem u BiH, te izrazila zadovoljstvo dosadašnjom saradnjom, kao i želju za daljnjim unapređenjem odnosa.

Delegaciji PSBiH uručen je poziv na Konferenciju evroazijskih zemalja, čije održavanje je planirano u septembru ove godine u Astani.

Izvještaj pripremila

Sekretar Delegacije PSBiH u PSOSCE-a

Dženana Leper



Izvještaj odobrila

Predsjedavajuća PDPSBiH

Borjana Krišto



Dostaviti:

- naslovu
- Sektoru za međunarodne odnose i protokol